

ՀԱՄԱՏԵՂ ԴԻՏԱԿԱՆ ՆՍՏԱՇՐՋԱՆ

1972 թ. հունիսի 15-ին և 16-ին ՀՍՍՀ ԳԱ նիստերի փոքր դահլիճում տեղի ունեցավ ՀՍՍՀ ԳԱ կից արտասահմանյան գաղափարական հոսանքների պրոբլեմների խորհրդի և «Գիտելիք» ընկերության համատեղ գիտական նստաշրջան՝ «ՍՄԿԿ XXIV համագումարը և գաղափարախոսական պայքարի խնդիրները արդի էտապում» թեմայով: Նստաշրջանը նվիրված էր ՍՄԿԿ կազմավորման 50-ամյակին:

ՀՍՍՀ ԳԱ հասարակական գիտությունների բաժանմունքի ակադեմիկոս-բարտուղար, ակադեմիկոս Ծ. Պ. Աղայանը բացելով նստաշրջանն ասաց, որ ՍՄԿԿ XXIV համագումարը ճշմանակալի իրադարձություն էր մեր երկրի, մյուս սոցիալիստական երկրների, ամբողջ համաշխարհային կոմունիստական, բանվորական և ազգային-ազատագրական շարժումների գաղափարական-քաղաքական կյանքում: Ի թիվս այլ հարցերի, ՍՄԿԿ XXIV համագումարը մեծ ուշադրություն դարձրեց նաև գաղափարական պայքարի խնդիրներին: Վերջին տարիներին Հայկական ՍՍՀ գիտությունների ակադեմիայի ցանցում ըստեղծվել են մի շարք նոր հումանիտար ինստիտուտներ, որով հնարավորություն է ընձեղավել ուժեղացնելու ՍՄԿԿ-ի ու արտասահմանյան երկրների հատկապես սոցիալ-տնտեսական զարգացման պրոբլեմների և համաշխարհային հեղափոխական բնթացքի պատշաճ ուսումնասիրությունը: Ծ. Պ. Աղայանը ընդգծեց նստաշրջանի թեմաների կարևորությունն ու արդիականությունը պատմագիտության հետագա զարգացման համար, խրախուսեց գիտական մի շարք հարցերի քննարկման, մտքերի փոխանակության գործարար հնարավորությունը: Մեր նստաշրջանը, — վերջում ասաց Ծ. Պ. Աղայանը, — տեղի է ունենում այնպիսի ժամանակ, երբ ամբողջ սովետական ժողովուրդը, կոմունիստական կուսակցության ղեկավարությամբ, լարված և ուժեղացած աշխատանք է ծավալում ՍՄԿԿ XXIV համագումարի պատմական որոշում-

ները կենսագործելու և ՍՄԿԿ կազմավորման կենդարյա հոբելյանը նոր հաջողություններով դիմավորելու համար: Այդ ուղղությամբ անհամեմատ մեծ անելիքներ ունենք մենք՝ հումանիտար գիտությունների բնագավառի աշխատողներ:

ՀՍՍՀ ԳԱ նախագահությանն առընթեր հասարակական գիտությունների գիտական ինֆորմացիայի սեկտորի վարիչ, պատմական գիտությունների դոկտոր, պրոֆեսոր Ն. Հ. Բաբսեղյանը «Գիտական կոմունիզմը և նրա կեղծումը ժամանակակից ուղիղ գիտությունների կողմից» զեկուցմամբ փաստական հարուստ նյութերի հիման վրա ցույց տվեց գիտական կոմունիզմի ռենեգատների սնանկությունը, ժամանակակից ուղիղ գիտությունների ու տրոցկիստների քայքայիչ գործունեությունը, ընդգծեց նրանց դեմ ղվող պայքարի հրատապ նշանակությունը:

Ժամանակակից ուղիղ գիտությունների գործունեության վերլուծությունը ՍՄԿԿ XXIV համագումարի որոշումների լույսի տակ, — ասաց զեկուցողը, — ամենից առաջ բերում է այն եզրակացության, որ գիտական կոմունիզմի ռենեգատները մարքսիզմ-լենինիզմի սկզբունքային հարցերում փաստորեն կանգնած են բուրժուական գաղափարախոսության, հակակոմունիզմի դիրքերի վրա, հրաժարվում են բանվոր դասակարգի հեղափոխական ուսմունքի սկզբունքներից, աշխատավորների շրջանում սերմանում են տրոցկիստական նկերտումներ: Ջեկուցողը դատապարտեց ռենեգատներ Ռ. Գարդիի, Է. Ֆիշերի, Ֆ. Մուրելի և այլոց ուղիղ գիտական տեսությունները, ընդգծեց ուղիղ գիտության դեմ պայքարն ուժեղացնելու, նրանց կեղծ տեսությունները մերկացնելու, բուրժուական գաղափարախոսության տարածման ուղիները փակելու անհրաժեշտությունը:

Այնուհետև «Սոցիալիզմի ժամանակագրերի սահմանափակ սովորեցություններ» «տեսության» քննադատությունը՝ թեմայով զեկուցեց պատմական գիտությունների

դոկտոր, պրոֆեսոր Մ. Ա. Մելիքյանը: Նա ընդգծեց, որ մարքսիզմ-լենինիզմի, սոցիալիստական հասարակության դեմ բուրժուազիայի գաղափարախոսների կատաղի պայքարում նշանակալի տեղ է գրավում սոցիալիզմի պայմաններում ազգերի պետական-քաղաքական վիճակի և նրանց տնտեսական ու մշակութային զարգացման փաստերի կեղծումը: Այդ նպատակին է ծառայում մասնավորապես, այսպես կոչված «սոցիալիզմի ժամանակ ազգերի սահմանափակ սուվերենության» տեսությունը, որն առաջ են քաշել անգլիական և ամերիկյան մի շարք «սովետոլոգ» սոցիոլոգներ (Բոլարդ, Մետոն-Ուոթսոն, Բոլդուին, Լոուս և ուրիշներ): Բացահայտելով այդ «տեսության» սնանկությունը, զեկուցողը նշեց, որ դրա նպատակն է կապիտալիստական աշխարհի առաջ նսեմացնել ՍՍՀՄ-ը՝ այն ներկայացնելով ոչ թե հավասար ազգերի կամավոր դաշինք, այլ բոլոր ազգերը ոռու ազգին ենթարկելու և ձուլելու համակարգ: Պրոֆ. Մ. Մ. Մելիքյանը բազմաթիվ փաստերով ցույց տվեց այն լիակատար սուվերենությունը, որ վայելում են ՍՍՀՄ միութենական հանրապետությունները ոչ միայն պետական, այլև տնտեսական ու մշակութային կյանքում, ինչպես և ՍՍՀ Միության նշանակությունը սովետական բոլոր ազգերի ազատ ու անկաշկանդ զարգացման և նրանց լիակատար սուվերենության ապահովման գործում:

ՀՍՍՀ ԳԱ թղթակից-անդամ, պատմական գիտությունների դոկտոր, պրոֆեսոր Գ. Ա. Գալչյանը զեկուցեց «Անդրկովկասյան ֆեդերացիայի ստեղծման բուրժուական կեղծումների քննադատությունը» թեմայով: Նա նշեց, որ սովետական բազմազգ ժողովրդի կյանքի խոշոր իրադարձության՝ ՍՍՀՄ կազմավորման փառատոնի նախապատրաստությունը, որ անցնում է ՍՄԿԿ XXIV համագումարի որոշումների ու գաղափարների բարերար ներգործությամբ, նոր ուժով է դրսևորում սոցիալիզմի մեծագույն նվաճումներից մեկի՝ լենինյան ազգային քաղաքականության, ՍՍՀՄ ժողովուրդների բարեկամության ու համագործակցության, ինտերնացիոնալ համախընքվածության կենսահաստատությունը: Բընույթով ինտերնացիոնալ Հոկտեմբերյան մեծ հեղափոխությունը վերջ տվեց ազգային ճնշմանն ու հարստահարմանը, մեր երկրում արմատապես լուծեց ազգային հարցը,

որի հիմքում ընկած է ազգերի ինքնորոշման լենինյան գաղափարը: Անդրֆեդերացիան ժողովրդական մասսաների միասնական կամքի արտահայտություն էր: Բուրժուա-ազգայնամտական տարրերը ջանում էին օգտագործել առաջացող դժվարությունները, սոցիալ-տնտեսական, քաղաքական հարցերին տալ ազգային գունավորում, խափանել կոմունիստական շինարարությունը: Անդրֆեդերացիան դարձավ ժողովուրդների լենինյան բարեկամության դարբնոց:

Ուշագրավ էր պատմական գիտությունների դոկտոր Գ. Հ. Միմոնյանի՝ «Ինդուստրիալ հասարակության տեսության քննադատությունը» զեկուցումը: «Կոնվերգենցիայի տեսության քննադատությունը» զեկուցմամբ հանդես եկավ տնտեսական գիտությունների դոկտոր, պրոֆեսոր Ն. Ս. Թովմասյանը: Նա նշեց, որ կոնվերգենցիայի տեսությունը բուրժուական սոցիալիզմի տարբերակներից մեկն է: Նրա ներկայացուցիչները (Ու. Բակինգհեմ, Յա. Տինբերգեն, Ա. Բեռլի և ուրիշներ) պնդում են, թե հասարակության զարգացման տեղեկնը տանում է դեպի Արևելքի սոցիալիստական երկրների և Արևմտաքի երկրների զարգացման օրինաչափությունների տարբերությունների վերացում, նրանց մերձեցում և, ի վերջո, միաձուլում մի նոր «հիփոթիզ» տնտեսաձևի մեջ: Այդ նոր տնտեսաձևը, ըստ նրանց քարոզների, ներառելու է ինչպես Արևելքի սոցիալիստական երկրների դրական կողմերը (տնտեսության պլանավորումը, հավասարության սկզբունք և արտադրության վրա բանվորական իշակողության սահմանում), այնպես էլ Արևմտաքի երկրների դրական կողմերը (մասնավոր սեփականություն, շուկայական հարաբերությունների վրա խառնված տրեմտեսական օրենքներ): Իրենց տեսությանը գիտական տեսք տալու նպատակով կոնվերգենցիայի տեսության կողմնակիցները պնդում են, թե Արևելքի և Արևմտաքի երկրների միջև տարբերությունները ներկայումս փոքրանում են՝ ինչպես սեփականության ձևերի, այնպես էլ տնտեսական օրենքների բնույթի առումով: Եթե 30-ական թվականներին Սովետական Միության մեջ գերիշխողը պետական և կոլեկտիվ սեփականությունն էր, իսկ Արևմտաքի երկրներում՝ մասնավոր սեփականատիրությունը, ապա ներկայումս, փորձում են հաստատել նրանք, Արևմտաքի երկրներում պետա-

չան և կոլեկտիվ սեփականատիրությունը նույնպես մեծ չափերի է հասել՝ դրա տակ նկատի ունենալով պետական մոնոպոլիստական կապիտալիզմը և բաժնետիրական կապիտալը։ Իրականում, մատնանշեց զեկուցողը, սեփականության այդ ձևերը իրենց բնույթով ու բովանդակությամբ կապիտալիստական են և սոցիալիզմի հետ որևէ առնչություն չունեն։ 'Իոնվերզենցիայի տեսաբանները պնդում են, թե Արևմուտքի երկրներում պետական և կոլեկտիվ սեփականության հիման վրա զարգանում է նաև պլանային տնտեսվարությունը, մինչդեռ սոցիալիստական երկրներում գործողության լայն ասպարեզ են ստանում խուլայական հարաբերությունների վրա խաբուսխըված տնտեսական օրենքները։ Այս փաստարկը ևս, ինչպես ցույց տվեց զեկուցողը, անհիմն է։

Այսպիսով, եզրակացրեց Ն. Ս. Թովմասյանը, կապիտալիստական և սոցիալիստական երկրները զարգանում են իրենց ներհատուկ օրինաչափություններով և ներանց մերձեցման ու միաձուլման մասին խոսք լինել չի կարող։ Անշուշտ, արդի կապիտալիստական երկրներում կատեղծվեն սոցիալիստական կարգեր, բայց ոչ կոնվերզենցիայի տեսաբանների մտացածին սկզբունքներով, այլ՝ սոցիալիստական երկրների զարգացման ճանապարհով։

Պատմական գիտությունների դոկտոր, պրոֆեսոր Ն. Հ. Հովհաննիսյանը զեկույցեց «Ասիայի և Աֆրիկայի երկրներում սոցիալիստական ուսմունքների մասին» թեմայով։ Նա նշեց, որ Ասիայում և Աֆրիկայում

ազգային պետությունների կազմավորումից հետո ծագեցին մի շարք նոր պրոբլեմներ. այդ թվում նաև գաղափարախոսության բնագավառում։ Վերջին քսանամյակում այդ երկրների համար բնորոշը ոչ մարքսիստական սոցիալիզմի գաղափարների լայն տարածումն է, որն ունի իր պատճառները։ Ժողովրդական մասսաները մերժում են զարգացման կապիտալիստական ուղին և սոցիալիզմի մեջ են տեսնում իրենց ազգային վերածնունդը։

Նստաշրջանի եզրափակմանը նախորդեցին փիլիսոփայական գիտությունների թեկնածուներ Վ. Ա. Պողոսյանի ու Ս. Դ. Ալավերդյանի զեկույցումները՝ «Սուբյեկտ-օբյեկտի պրոբլեմը Ադրնոյի «սիրապետության տեսության» մեջ» և «Ժամանակակից «սոցիոլոգիական նոմինալիզմի» քննադատության շուրջը» թեմաներով։

Վերջում մտքերի փոխանակության կարգով հանդես եկան Հ. Գ. Ասլանյանը, Ա. Զ. Բեգումը և Ծ. Ս. Մարգարյանը։

Ամփոփելով նստաշրջանի աշխատանքները, փիլիսոփայական գիտությունների դոկտոր, պրոֆեսոր Յա. Ի. Խաչիկյանը նշեց կարդացված զեկույցումների գիտական կարևորությունը, քննարկված հարցերի ու խնդիրների հրատապությունը։ Գաղափարական պայքարի խնդիրները հաջողությամբ կատարելու համար, — ընդգծեց նա, — պահանջվում է է՛լ ավելի բարելավել պրոպագանդայի կազմակերպումը, բարձրացնել գաղափարական տնտեսական աշխատանքների մակարդակը։

Ժ. Մ. ԾԵՐՈՒՆՅԱՆ